



**2020-1**

28. april 2020

Nal. nr./j.nr.: 2019-120-0054

All. nr./notatnr.: 67319

Sull./sagsbeh.: LZ/jh

**Piffissaq suliap siusinaartumik pensionisiat naatsorsorne-  
qarnerannut tunngasup suliareqarneranut atorneqartoq si-  
visuallaaq amigartunik nalunaarsuinerup nassataraa**

*Innuttaasoq 2016-imi siusinaartumik pensionisianik akileraarutit ilanngaatinagit qaammammut 1.817 kr.-nik pisartagaqassasoq Qaasuitsup Kommunia 2015-imi novemberimi aalajangiivoq. Qaasuitsup Kommuniata aalajangiinera innuttaasup Isumaginninnermi Naammagittaalliuteqartarfimmut 2015-imi decemberimi naammagittaalliutigaa.*

*Isumaginninnermi Naammagittaalliuteqartarfik 2017-imi julimi aalajangiivoq siusinaartumik pensionisiat aningaasartaasa amerlassusissaat Qaasuitsup Kommuniata kukkusumik tunngaveqarluni naatsorsorsimagai, aalajangiinerlu suliareqqitassanngortillugu utertillugu.*

*Isumaginninnermi Naammagittaalliuteqartarfiup aalajangiinera Qaasuitsup Kommuniata 2017-imili tigumavaa – imaagunarpog julimi septemberimilu – kommunilli aalajangiineq eqqortumik nalunaarsorsimannigilaa, taamaattumillu suliap aallartisarneqarnera kinguaattoortin-neqarjuussuarluni.*

*Kommuni Qeqertalik – suliamik Qaasuitsup Kommuniata 1. januar 2018-imi avinneqarnerata kingornatigut tigumisoq – 2019-imi februarimi nutaamik aalajangiivoq, tassanngalu erserpoq innuttaasoq 2016-imi siusinaartumik pensionisianik akileraarutit ilanngaatinagit qaammammut 9.083 kr.-nik tigusaqartartussaasimagaluartoq.*

*Kommuni Qeqertallip suliamik Ombudsmandip misissuineranut atatillugu oqaatigaa kommunip paasinninnera unaasoq piffissaq suliamik suliarinninnermut atorneqartoq aamma kommunip nalunaarsuina i-ngerlatsinermi ileqqorissaarnermut naapertuuttuusimangitsut.*

*Kommunip piffissaq suliamik suliarinninnermut atorneqartoq sivilaarlarnarlugu oqarnera Ombudsmandip isumaqatigaa. Ombudsmandip paasinninnera unaavoq piffissaq suliamik suliarinninnermut atorneqartoq isorisarialik pineqartoq.*

*Suliat innuttaasumut tunngasup suliareqqitassanngorluni utertinneqarnermi kingornatigut katillugit ukiup ataatsip affallu missaanni sivilisutisumik suliarineqarsimanera aamma suliat pisariuvissunngitsup pilertornerujussuarmik suliarineqarsinnaasimasariaqaraluartup pineqarneri Ombudsmandip pingaartillugit ilaatigut isiginiarpai.*

*Qaasuitsup Kommuniata imaluunniit Kommuni Qeqertallip suliamik suliarinninnermi iliuutsinik pingaaruteqartunik 2019-imi januari sioqqullugu iliuuseqarsimanginnerat Ombudsmandip pissutsitut sakkortusaataasutut isigaa.*

*Ombudsmandip oqaatigaa eqqortumik nalunaarsuineq oqartussaasup eqqaasitseriaatsinik naammattumik pitsaassuseqartunik suliat puigorneqartannginnissaannik qulakkeerisunik pilersitsisinnaaneranut tunngaviugajuttartussaasoq. Ombudsmandip imatut paasivaa amigartumik nalunaarsuineq suliat aallartinneqarnerata kinguaattoortinneqarujussuarneranik kinguneqarsimasoq.*

*(Oqaaseqaat 28. april 2020-meersoq, j. nr. 2019-120-0054)*

Ombudsmandip oqaaseqaataa:

## **1. Suut misissorpakka?**

**1.1.** Piffissaq A-p 2016-imi siusinaartumik pensionisiaasa aningaasartaannik naatsorsuineq pillugu suliamik Isumaginninnermi Naammagittaalliuuteqartarfiup utertitsilluni suliareqqitassangortitsinerata kingornatigut suliamik Qaasuitsup Kommuniata aamma Kommuni Qeqertallip sularinninnerminnut atugaat misissorpara.

A-lli 2016-imi siusinaartumik pensionisiaasa aningaasartai qanoq amerlatigissasut Qaasuitsup Kommunianit, Kommuni Qeqertalimmit Isumaginninnermiluunniit Naammagittaalliuuteqartarfimmit naatsorsorneqarneri eqqortuunersut misissunngilakka.

**1.2.** Oqaaseqaatiga Qaasuitsup Kommuniata 1. januar 2018-imi avinneqar simanera pissutigalugu Kommuni Qeqertalimmut ingerlatitaavoq. Suliamilli Qaasuitsup Kommuniata aamma Kommuni Qeqertallip sularinninneri isummerfigaakka.

Makku kommunini suliassaqarfiit aqqissuuteqqinnerisa allanngortinneqarnerat pillugu Inatsisartut inatsisaanni nr. 30-mi, 28. november 2016-imeer sumi § 19, imm. 1-imit erser nerat innersuussutigaara, tassalu kommunini nutaani kommunalbestyrelsit kommuniusimasuni pisinnaatitaaffinnik pissaaffinnillu, tassunga ilanngullugit pigisat nalillit akiitsullu, kommuninik aqqissuusseqqinnerup 1. januar 2018-imi atuutilernerani tigummatigit. Aalajangersagaq taanna pillugu oqaaseqaatinit aammattaaq erserpoq kommunalbestyrelsit nutaat oqartussanik namminersortunillu kommunalbestyrelsiusimasut suleqateqarnerannik ataatsimut isigalugu ingerlatsilissasut.

Oqaaseqaatikka 2018-3, pingaartumik immikkoortoq 1.2, aamma 2019-2, pingaartumik immikkoortoq 1, aammattaaq innersuussutigaakka. Oqaaseqaatit marluk taakku Qaasuitsup Kommuniata avinneqarnerata kingornatigut sularineqarsimapput, sulianullu Qaasuitsup Kommuniata sularisimasaa-

nut tunngasuullutik. Oqaaseqaatit taakku nittartakkanni atuarneqarsinnaaput.

## **2. Suliami suna pineqarpa?**

Qaasuitsup Kommunua 10. september 2015-imi aalajangiivoq A 1. juni 2015-imit atuutilersumik siusinaartumik pensionisiaqalissasoq, ukiuni mar-lunniugallartoq. A qanoq amerlatigisunik aningaasartalinnik siusinaartumik pensionisiaqassanersoq aalajangiinnermi takuneqarsinnaanngilaq.

A akileraarutit ilanngaatinagit qaammammut 1.817 kr.-nik aningaasartalinnik 2016-imi siusinaartumik pensionisiaqassasoq Qaasuitsup Kommunua 17. november 2015-imi aalajangiivoq.

Aalajangiineq taanna A-p Isumaginninnermi Naammagittaalliuuteqartarfimmut 6. december 2015-imi naammagittaalliuutigaa.

A-p naammagittaalliuutaa Isumaginninnermi Naammagittaalliuuteqartarfiup siulittaasuata 7. juli 2017-imi suliaraa. Aalajangiineq qanga nassiunneqarsimanersoq aalajangiinnermi A-p Naammagittaalliuuteqartarfimmit tigusaani takuneqarsinnaanngilaq. Nassiussineq 7. juli 2017-imi taassumaluunniit kingunitsiannguatigut pisimassasoq naatsorsuutigaa.

Isumaginninnermi Naammagittaalliuuteqartarfiup aalajangiineranit erserpoq siusinaartumik pensionisiat aningaasartaasa amerlassusissaat Qaasuitsup Kommuniata kukkusumik tunngaveqarluni naatsorsorsimagai. A-p siusinaartumik pensionisiat siusinaartumik pensionisiat pillugit peqqussummi (siusinaartumik pensionisiat pillugit Inatsisartut peqqussutaanni nr. 4-mi, 7. maj 2007-imeersumi kingusinnerusukkut allannguuteqartinneqarsimasumi) taamani atuuttumi § 11 tunngavigalugu naatsorsorneqarsimapput, peqqussummi § 10 tunngaviginagu. Taamaattumik aalajangiineq kukkusuuvoq, suliarlu Isumaginninnermi Naammagittaalliuuteqartarfiup suliareqqitassanngortillugu utertippaa, taamaalilluni Qaasuitsup Kommunua nutaamik aalajangiisinaaqqullugu.

Isumaginninnermi Naammagittaalliuuteqartarfiup aalajangiineranit aammattaaq erserpoq aalajangiinerup assilinera Naammagittaalliuuteqartarfiup Qaasuitsup Kommunanut nassiussimagaa.

Suliaq pillugu oqaaseqaatit Kommuni Qeqertalimmit tigusakka aallaavigalugit imatut paasisariaqarpara Isumaginninnermi Naammagittaalliuuteqartarfiup aalajangiinera tiguneqarmat taanna Qaasuitsup Kommuniata mappimut suliamik allagaatinik A-mut tunngasunik imalimmut ikisimanngikkaa, taamatuttaarlu kommuni suliamik suliarinninnermi allanik iliuuseqaqqissimanngitsoq.

Aammattaaq imatut paasivara A Qaasuitsup Kommunanut ornigulluni 20. september 2017-imi saaffiginnissimasoq. Tassani allakkat puussaat Isumaginninnermi Naammagittaalliuuteqartarfiup suliami kommunimut aalajangiineranik ilaatigut imaqartoq tunniussimagaa, kommunili tamatumunnga atattillugu suliamik suliarinninnermi annertunerusumik aamma iliuuseqarsimanngitsoq.

Qaasuitsup Kommunanit Kommuni Qeqertalimmilluunniit akissummik tigusaqarsimannginninni A-p uannut 8. januar 2019-imi naammagittaalliuutigaa.

Sulisuma ilaat Kommuni Qeqertalimmut 15. januar 2019-imi sianerpoq, suliap killiffia paasiniarlugu. Kommuni oqarpoq sianerumaarluni. Suliamik suliarinninneq kommunip aatsaat tamatuma kingornatigut – tassalu 24. januar 2019-imi imaluunniit 25. januar 2019-imi – aallartippaa. Tamanna kommunip sulisuma ilaata 25. januar 2019-imi sianernerani aamma uannut oqaaseqaammuni 19. august 2019-imeersumi oqaatigaa.

Suliaq Kommuni Qeqertallip A-mut 14. februar 2019-imi ataatsimeeqatigin-nissutigaa.

Kommuni Qeqertalik suliame A-p 2016-imi siusinaartumik pensionisiaasa naatsorsorneqarnerannut tunngasumi 22. februar 2019-imi aalajangiivoq. Aalajangiinnermit erserpoq A 2016-imi akileraarutit ilanngaatiginagit 20.328 kr.-nik aningaasartalinnik siusinaartumik pensionisisimasoq, naak akileraarutit ilanngaatiginagit 108.996 kr.-nik pensionisisimasussaagaluarluni. Taa maattumik nikingassutaasut 88.668 kr.-t Kommuni Qeqertallip A-mut tunniunniarpai.

### **3. Kommuni Qeqertallip oqaaseqaatai**

Suliami allagaatit oqaaseqaatillu arlallit suliamik suliarinninninni Kommuni Qeqertalimmit pissarsiariniarpakka. Allakkatigut oqaaseqaatit katillugit pingasut tulleriinneri malillugit 26. februar 2019-imi, 3. april 2019-imi aamma 19. august 2019-imi ullulernerqarsimasut tiguakka.

Qaasuitsup Kommuniata Isumaginninnermi Naammagittaalliuuteqartarfiup aalajangiinneranik juli 2017-imeersumik suliarinninnera Kommuni Qeqertallip oqaaseqaammi 3. april 2019-imeersumi ilaatigut imatut allaaseraa:

“Isumaginninnermi Naammagittaalliuuteqartarfiup allagai Qaasuitsup Kommuniata 7. juli 2017-imi tigusimavai. Allakkalli suliarineqarsimangillat mappimilu suliame A-mut tunngasup inissisimaffianiinnatik.” (Ombudsmandeqarfimmi nutsigaavoq)

Oqaaseqaammi 19. august 2019-imeersumi Kommuni Qeqertallip oqaatigaa Isumaginninnermi Naammagittaalliuuteqartarfiup aalajangiinnerata kommunimit suliarineqarsimanginnera “suliamik suliarinninnginnikkut nalunaarsu-innginnikkullu kukkuneramik” pissuteqartoq.

Oqaaseqaammit 3. april 2019-imeersumit tamatuma saniatigut erserpoq Isumaginninnermi Naammagittaalliuuteqartarfiup aalajangiinnera Kommuni Qeqertallip kingusinnerusukkat aamma tigusimagaa:

“Suliami allagaatit tamaasa, aamma Qaasuitsup Kommunia nutaamik aalajangiissasoq Isumaginninnermi Naammagittaalliuteqartarfiup aalajangiinera ilanngullugu, A-p allakkat puussaannut ikillugit nammineerluni tunniussimavai. Allakkat puussaat allagaatinik imalik taanna allakkatut isertutut suliarineqarsimanngilaq, allakkallu puussaat taanna mappimut suliami allagaatinik A-mut tunngasunik imalimmut ikineqarsimavoq” (Ombudsmandeqarfimmi nutsigaavoq)

Kommuni Qeqertalik allakkatigut 24. april 2019-imeersutigut ilaatigut apearaara suliami allagaatit taaneqartut A-p qanga tunniussimanerai. Kommunip oqaaseqaammi 19. august 2019-imeersumi uanga paasisattut oqaatigaa allakkat puussaat 20. september 2017-imi tunniussimagaa. Kommuni aammattaaq allappoq “[a]llakkat puussaat allagaatinik imalik taanna allakkatut isertutut suliarineqarsimanngi[tsoq], allakkallu puussaat taanna mappimut suliami allagaatinik A-mut tunngasunik imalimmut ikineqarsima[s]oq.”

Kommuni Qeqertallip oqaaseqaammi 19. august 2019-imeersumi aammattaaq oqaatigaa suliamik suliarinninneq kommunip aatsaat 25. januar 2019-imi aallartissimagaa. Suliamik suliarinninneq kommunip eqikkarlugu imatut oqaatigaa:

“Kommuni Qeqertalik isumaqarpoq piffissap suliamik suliarinninnermut atorneqartup sivilissusia aamma kommunip nalunaarsuina naammaginartuusimanngitsut ingerlatsinermilu ileqqorissaarnermut naapertuuttuusimanatik.” (Ombudsmandeqarfimmi nutsigaavoq)

#### **4. Piffissaq sulianik suliarinninnermut atorneqartartoq pillugu malittarisassat**

Kommunit siusinaartumik pensionisiat peqqussummi § 10 tunngavigalugu naatsorsorneqarnerat pillugu qanoq pilertortigisumik aalajangiisarnissaat pillugu malittarisassanik siusinaartumik pensionisiat pillugit peqqussummi aalajangersaasoqarsimanngilaq.

Pisortani oqartussaasup suliamik suliarinninnermini piffissaq qanoq sivilisutigisoq atussaneraa ataatsimut aalajangersakkanik aamma peqanngilaq. I-

ingerlatsinermili ileqqorissaarnerup manna nassataraa, tassalu suliat sapinngisamik pilertornerpaamik illersorneqarsinnaasumillu suliarineqartariaqartut.

Tamanna ilaatigut Kalaallit Nunaanni Namminersornerullutik Oqartussani Inatsisileriffiup suliassat suliarineqartarnerat pillugu inatsit pillugu ilitsersuusaaani 1994-imi decemberimi saqqummersinneqartumi imm. 199-imi 204-milu sukumiinerusumik allaaserineqarpoq:

“**199.** Suliassat tamarmik pisortat ingerlatsiviini suliarineqartut soorunami sapinngisamik pisariitsumik, pilertortumik aningaasartuutaavallaanngitsumillu suliarineqartarnissaannik piumasaqaat pingaartumik atuuppoq suliassanut inuit ataasiakkaat imaluunniit namminersorlutik ingerlatseqatigiiffiit, suliffeqarfiit, peqatigiiffiit il.il. attuumassuteqarfigisaanni.

[...]

**204.** Suliassat suliarineqartarnerat pillugu inatsit suliassat qanoq sivisutigisumik suliarineqartarnissaat pillugu nalinginnaasunik aalajangersagartaqanngilaq. Tamatumunnga ilaatigut pissutaavoq suliassat pisortat ingerlatsiviinit suliarineqartartut assigiinneqeqimmata assigiinneqeqisunillu annertussuseqartarlutik, taamaatumik inatsisikkut pisortat ingerlatsiviini qanoq sivisutigisumik suliarineqartarnissaasa aalajangersimasumik malittarisassiornissaat ajornarluinnartussaalluni, tassa eqqartuussivinni ajornarpallaanngitsumik atortinniarneqarsinnaasunik.

Kisiannili Folketingip Ombudsmandiata oqaaseqaatigisartagai tunngavigalugit nalinginnaasumik ingerlatsinermi ileqqorissaarnerup malinniarneqarnissaani suliassat qanoq sivisutigisumik suliariniarneqartarnissaat pillugu malittarisassaqaartitsisoqarpoq, matuma ataani suliambut tunngassuteqartup suliap qanoq sivisutigisumik suliarineqassangatinneqarneranik ilisimatinneqartarnissaa ilanngullugu.

Ombudsmandip aammattaaq aalajangikkat ilaanni tikkuaavigisarsimavaa suliat sivisuumik aalajangiivigineqaratik uninngatinneqartarnissaat pinaveersaarniarlugu kiisalu puigortoorneqarlutik aalajangiivigineqanngitsoortarnissaat pinaveersaarniarlugu oqartussaasut *naammattumik atorsinnaalluartunik suliat uterfigeqqinneqartarnissaannut* allattuiffiliortarnissaat.”



Tassalu suliap sapinngisamik pilertornerpaamik illersorneqarsinnaasumillu suliarineqartarnissaanik oqarnermi sorpiaap pineqarnera suliamit suliamut aalajangiivigineqartariaqarpoq.

Suliap pisariaqarneratut pilertortigisumik suliarineqarsimaneranik apeqqummi suliap suussusia, piffissaq oqartussaasup sulianik taassuma assinginik suliarinninnermini nalinginnaasumik atortagaa, suliap ajornakusuussusia, suliami ingerlaavartumik iliuuserineqartut kiisalu suliaq paasissutissartalersorniarlugu suliamik suliarinninnermi iliuitsinik piffissartornartumik iliuseqartoqassanersoq ilaatigut aalajangiisuusarput.

Suliani arlalinni piffissaq oqartussaasup suliamik suliarinninnerminut atugaa pillugu oqaaseqaateqartarpunga. Suliat 2011-imi ukiumoortumik nalunaarutinni immikkoortutut 5.7.1-itut ilanngunneqartoq aamma 2005-imi ukiumoortumik nalunaarutima qallunaatuani quppernemi 51-imi tulliinilu kalaallisuanilu quppernemi 61-imi tullianilu ilanngunneqartoq ilaatigut innersuussutigaa. Suliaq kingullertut taaneqartoq Ombudsmandeqarfimmi periaasitoqqamut innersuussutinik imaqarpoq. Suliat 2018-3 aamma 2019-2 nittartakkanni tamanut saqqummiunneqarsimasut aammattaaq innersuussutigaa.

Uanga paasinninnera unaavoq suliassaqarfimmi tassani inatsiseqartitsinermit tunngavik Kalaallit Nunaanni Danmarkimilu pingaarnertigut assigiittut. Taamaattumik Danmarkimi inatsisilerineq pillugu atuakkiat aamma innersuussutigisarpakka, matumani Niels Fengerip allallu atuakkianni "Forvaltningsret"-imi (2018-imeersumi) quppernerit 688 tulliilu, Sten Bønsingip atuakkianni "Almindelig Forvaltningsret"-imi sisamassaannik naqitertinneqartumi (2018-imeersumi) quppernerit 247 tullialu aamma Jon Andersenip atuakkianni "Forvaltningsret – Sagsbehandling, Hjemmel, Prøvelse"-mi qulingiluassaannik naqitertinneqartumi (2017-imeersumi) qupperneq 271 ilanngullugit eqqarsaatigalugit.

## **5. Piffissamik suliap suliarineqarneranut atorneqartumik uanga naliliinera**

**5.1.** Piffissamik suliap A-mut tunngasup suliarineqarneranut atorneqartumik naliliininni manna pingaartillugu isiginiarpara, tassalu suliaq ataatsimut isigalugu ukiup ataatsip affallu missaannik sivisutigisumi suliarineqarsimasoq – tassa Isumaginninnermi Naammagittaalliuuteqartarfiup suliamik suliareq-qitassanngortitsilluni 2017-imi julimi utertitsineranit Kommuni Qeqertallip suliami nutaamik 2019-imi februarimi aalajangiinerata tungaanut.

**5.2.** Manna aammattaaq pingaartillugu isiginiarpara, tassalu uanga paasininnera unaasoq suliaq pisariikannersoq Kommuni Qeqertallip pilertornerujussuarmik suliarisinnaasimasaralua pineqartoq. Uanga paasisara unaavoq Kommuni Qeqertalik soorlu suliaq naammattumik paasissutissartalersorniarlugu suliami suliarinninnernik piffissaajarnartunik iliuuseqartariaqarsimanngitsoq.

Tamanna Kommuni Qeqertallip suliami aalajangiissaguni suliamik suliarinninnermi iliuutsinik pisariaqartunik iliuuseqarnerminut qaammammik ataatsip missaannaanik atuisimaneranit ikorfartorneqarpoq. Kommuni Qeqertallip suliamik suliarinninnerpiani sulisuma ilaannit suliamik 2019-imi januarip naalernerani uparuunneqarami aatsaat aallartippaa. Kommuni suliami tamatum kingornatigut 22. februar 2019-imi aalajangiivoq.

**5.3.** Piffissamik suliap suliarineqarneranut atorneqartumik naliliininni manna pissutsitut sakkortusaataasutut isigaara, tassalu suliap suliareqqitassanngortillugu utertinneqarnerata kingornatigut Qaasuitsup Kommuniata imaluunniit Kommuni Qeqertallip suliami suliarinninnermi iliuutsinik pingaaruteqartunik 2019-imi januari sioqqullugu iliuuseqarsimannginnerat.

**5.4.** Imatut paasivara Isumaginninnermi Naammagittaalliuuteqartarfiup aalajangiinera Qaasuitsup Kommuniata 2017-imili tigusimagaa – imaagunarpooq julimi septembermilu – aalajangiinerli kommunip kukkunikkut eqqortu-

mik nalunaarsunngitsoorsimagaa, suliallu aallartinneqarnerata kinguaattoo-  
rujussuartinneqarnera tamatuma kingunerisimagaa.

Oqaatigaara ingerlatsinermi oqartussaasut allagaatinik nalunaarsuisarnis-  
saat pillugu inatsisikkut ataatsimut aalajangersagaasumik pisussaaffiligaan-  
ngitsut. Mannali ingerlatsinermi ileqqorissaarnerup nassataraa, tassalu alla-  
gaatit ingerlatsinermi oqartussaasup sulinerminut atatillugu aqutsinermi al-  
laffissornikkut sulianik suliarinninnermut ilaatillugu tigusai nassiusaalu na-  
lunaarsorneqartassasut, allagaatit taakku suliamut sulialluunniit allatigut su-  
liarineqarneranut pingaaruteqarpata. Nalunaarsuineq oqartussaasup allak-  
kanik tigusaminik malitseqartitsiviginnittarnissanut ikorfartuisooqataas-  
saaq.

Suliaq 2014-imi ukiumoortumik nalunaarutima qallunaatuuani quppernemi  
136-mi tulliiniilu kalaallisuanilu quppernemi 171-imi tulliiniilu ilanngunne-  
qartoq innersuussutigaa. Tassani ilaatigut makku oqaatigaakka:

“Ingerlatsinermi oqartussaasup allagaataanik/uppernarsaataataanik (pappialan-  
ngorlugit qarasaasiakkulluunniit) nalunaarsueriaatsimi sukumiisumik ingerlaavar-  
tumillu nalunaarsuinerup sulianik sunniuteqarluartumik suliarinninneq ataatsimut  
qulakkeerpa, tassami allagaatit/uppernarsaatit pineqartumut attuumassuteqar-  
tut nalunaarsueriaatsimi oqartussaasup sulianik suliarinnittarneranut ilaasut pi-  
lertortumik pisariitsumillu suussusersineqarsinnaallutillu nanineqarsinnaasus-  
saammata.

[...]

Nalunaarsuineq nakkutilliinermi isiginiagassanik aalajangersimasunik isumagin-  
ninnermik tamatuma pissuseqataanik atuutsitseqataavoq. Taamaalilluni suliat a-  
taasiakkaat oqartussaasup pilertortumik sukumiisumillu atorneqarsinnaasumik  
takussutissaqalersissinnaallugit, assersuutigalugulu suliamik suliarinninnerup pif-  
fissaliussanik (suliffeqarfimmut avataaniittunulluunniit atuuttunik) aalajangersaa-  
soqarsimappat piffissaliussatut aalajangersagaasup iluaniinneranik nakkutilliiner-  
mi atorneqarsinnaalluni.”

Oqaatigineqartunit ersertutut eqqortumik nalunaarsuineq oqartussaasup eqqaasitseriaatsinik naammattumik pitsaassuseqartunik suliat puigorneqartannginnissaannik qulakkeerisunik pilersitsisinnaaneranut tunngaviugajuttartussaavoq. Qulaani oqaatigineqartutut imatut paasivara nalunaarsuinermi kukkussuteqarneq tassarpiaasoq piffissap suliamik A-mut tunngasumik suliarinninnermut atorneqartup sivitsorneqarujussuarneranut pissutaasoq.

**5.5.** Ataatsimut isiginnillunga paasinninnera unaavoq suliami matumani piffissaq suliamik suliarinninnermut atorneqartoq isorisarialik pineqartoq.

## **6. Naggasiutaasumik oqaaseqaatit**

Oqaaseqaat manna oqaaseqaammi pineqartut kikkussusii ilisarnarunnaarsillugit nittartakkanni tamanut saqqummiunneqarumaarpoq 2020-milu ukiu-moortumik nalunaarutinni ilanngunneqarumaarluni.

Suliamik suliarinninnera matumuuna inaarpara.

## **SULIAP INGERLASIMANERA**

A 1. juni 2015-imit atuutilersumik ukiuni marluugallartuni siusinaartumik pensionisiaqalersinneqassasoq Qaasuitsup Kommunia 10. september 2015-imi aalajangiivoq. Siusinaartumik pensionisiat aningaasartaat qanoq amerlatigisut A-mut tunniunneqartassanersut aalajangiinermi takuneqarsinnaanngilaq.

2016-imi qaammammut pisartakkat aaqqiivigineqassasut Qaasuitsup Kommunia 17. november 2015-imi aalajangiivoq. Kommuni allappoq aaqqiissutegarneq siusinaartumik pensionisiat pillugit Inatsisartut peqqussutaanni nr. 4-mi, 7. maj 2007-imeersumi § 11, imm. 1 tunngavigalugu pisimasoq. A-p 2016-imi qaammammut siusinaartumik pensionisiassai akileraarutit ilanngaatinagit 1.817 kr.-nut aalajangersarneqarput.

Aalajangiineq taanna A-p Isumaginninnermi Naammagittaalliuuteqartarfimmut allakkatigut 6. december 2015-imeersutigut naammagittaalliuutigaa.

Isumaginninnermi Naammagittaalliuuteqartarfik suliame A-p naammagittaalliutaanut tunngasumi tamatuma kingornatigut aalajangiivoq. Aalajangiinermi ersepoq naammagittaalliuut Naammagittaalliuuteqartarfiup siulittaasua 7. juli 2017-imi sularisimagaa, aalajangiinerli A-mut qanga nassiunneqarsimanersoq takuneqarsinnaanngilaq. Aalajangiinermi ilaatigut makku erseput:

### **"AALAJANGIINEQ**

Qaasuitsup Kommuniata aalajangiinera suliareqqitassanngorlugu utertinneqarpoq. Tassa imaappoq suliaq Qaasuitsup Kommuniata suliareqqissagaa nutaamillu aalajangiissasoq.

Suliaq siusinaartumik pensionisiat pillugit Inatsisartut peqqussutaat nr. 4, 7. maj 2007-imeersoq kingusinnerusukkat allannguuteqartinneqarsimasoq taamani atuuttoq tunngavigalugu aalajangiivigineqassaaq.

**Nassuiaat:**

Suliamit erserpoq 1. juni 2015-imit aallartittumik ukiuni marluugallartuni siusi-naartumik pensionisiaqalersinneqassasutit Qaasuitsup Kommunia 10. september 2015-imi aalajangiisimasoq.

Qaasuitsup Kommunia 17. november 2015-imi aalajangiivoq 2016-imi qaammammumut pisartakkat amerlassusissaasa naatsorsorneqarnerat ukiumoortumik aaqqiivigineqassasoq, qaammammullu pisartakkat akileraarutit ilanngaatinagit 1.817,- kr.-iussasutut aalajangersarlugit.

Kommunip naatsorsuina illit aappaqarsimaguit aapparpit, nalunaarsorsimasutut inooqativit taamatulluunniit naligititaasutut inooqativit pensionisiavit saniatigut 2014-imi akileraaruteqaataasussatut ataatsimut isertitasi 193.207,- kr.-t aallaavigalugit pisimavoq.

Qaasuitsup Kommuniata siusinaartumik pensionisiat pillugit Inatsisartut peqqusutaanni nr. 4-mi, 7. maj 2007-imeersumi § 11 innersuussutigisimavaa.

Isumaginninnermi Naammagittaalliuuteqartarfimmut 6. december 2015-imi allapputit Qaasuitsullu Kommuniata 2016-imi ukiumoortumik aaqqiissuteqarneq pillugu aalajangiinera naammagittaalliuutigalugu.

Naammagittaalliuutinni oqaatigaat [illoqarfimmi] Innuttaasunik Sullissivimmit paasitinneqarsimasutit Qaasuitsup Kommunia 2016-imi qaammammumut pisartakkat naatsorsorneqarnerat pillugu aalajangiisimasoq, tak. Qaasuitsup Kommuniata aalajangiinera 17. november 2015-imeersoq.

Naammagittaalliuutinni aammattaaq oqaatigaat inissiami kisimiillutit najugaqartuusutit.

Kommunip e-mailimi 8. januar 2016-imeersumi Isumaginninnermi Naammagittaalliuuteqartarfimmut oqaatigaa aningaasat kukkusumik tunngaveqarluni naatsorsorneqarsimanerat pasitsaanneqartoq.

**Inatsisikkut tunngavigisaq:**

Siusinaartumik pensionisiat pillugit Inatsisartut peqqussutaanni nr. 4-mi, 7. maj 2007-imeersumi kingusinnerusukkut allannguuteqartinneqarsimasumi taamani atuuttumi § 10-mit erserpoq "Siusinaartumik pensionisiassanik pisartagaqalernissamut ikaarsaariarnerup kingornatigut akileraarutaasussat ukiumut isertikku-maagassatut naatsorsuutigineqartut tunngavigalugit, siusinaartumik pensionisias-satut pisartagassat annertussusissaat naatsorsorneqartassapput.

Imm. 2. Piffissami siusinaartumik pensionisianik pisarsisinnerarnerup siulliup ki-ngorna ukiullu tulliuuttup naanerata tungaanut, isertitassat akileraarutaasussat naatsorsuutigineqartut tunngavigalugit, siusinaartumik pensionisiat annertussu-sissaat ukiumut ataatsimut isertitassatut naatsorsorneqartassapput."

[...]

### **Naliliineq:**

Isumaginninnermi Naammagittaalliuuteqartarfiup siulittaasua isumaqarpoq aala-jangiineq kukkusuusoq.

Ukiuni marluogallartuni kingumut 1. juni 2015-imit aallartittumik siusinaartumik pensionisiaqalersinneqarsimagavit suliaq ilinnut tunngasoq Qaasuitsup Kommu-niata inatsisikkut tunngavik alla tunngavigalugu suliarisimasussaagaluarpaa, tas-sa imaappoq siusinaartumik pensionisiat pillugit Inatsisartut peqqussutaanni nr. 4-mi, 7. maj 2007-imeersumi kingusinnerusukkut allannguuteqartinneqarsima-sumi taamani atuuttumi § 11 tunngaviginagu § 10-li tunngavigalugu.

Taamaattumik 2016-imi siusinaartumik pensionisiavit ukiumoortumik aaqqiivigi-neqarnissaat eqqarsaatigalugu kommunip isertitannik naliliinerani kukkusumik tunngaveqarluni naatsorsuisoqarsimavoq, tassami kommunip 2014-imi akileraa-ruteqaataasussatut isertitatit ilanngullugit isiginiarsimammagit.

Kommunip siusinaartumik pensionisiat pillugit Inatsisartut peqqussutaanni nr. 4-mi, 7. maj 2007-imeersumi kingusinnerusukkut allannguuteqartinneqarsimasumi taamani atuuttumi § 10 atorsimasussaagaluarpaa innersuusutigisimasussaaga-luarlugulu. § 10, imm. 2-mit erserpoq siusinaartumik pensionisiat siusinaartumik pensionisianik tunniussinerup siulliup kingornanit ukiup tulliuuttup naanissaata tu-ngaanut naatsorsorneqassasut, pisumilu ilinnut tunngasumi imaappoq naatsor-suineq 2015-imi junimit 2016-imi decemberimut pisimasussaagaluartoq, *piffissa-*

*mi tassani akileraaruteqaataasutut isertitarineqartussatut naatsorsuutigisat ukiu-  
mut ilivitsumut isertitassatut naatsorsorneqartut tunngavigalugit.*

Taamaattumik suliaq Qaasuitsup Kommuniata siusinaartumik pensionisiat pillugit Inatsisartut peqqussutaanni nr. 4-mi, 7. maj 2007-imeersumi kingusinnerusuk-  
kut allannguuteqartinneqarsimasumi taamani atuuttumi § 10 tunngavigalugu su-  
liareqqissavaa.

[...]

### **Aalajangiineq:**

Qaasuitsup Kommuniata aalajangiinera suliareqqitassanngorlugu utertinneqar-  
poq.” (Ombudsmandeqarfimmi nutsigaavoq)

A Qaasuitsup Kommunianut ornigulluni 20. september 2017-imi saaffigin-  
nippoq. A-p allakkat puussaasuliami allagaatinik imalik tunniuppa, matu-  
mani Isumaginninnermi Naammagittaalliuuteqartarfiup aalajangiinera allak-  
kallu suliami akissuteqartoqarnissaanik A-p nukingisaarutigisai ilanngullugit  
eqqarsaatigalugit. Tamanna Kommuni Qeqertallip uannut oqaaseqaataanit  
3. april 2019-imeersumi aamma 19. august 2019-imeersumit erserpoq.

A-p faxikkut nassiussaa 8. januar 2019-imi tiguara, tassanilu Qaasuitsup  
Kommuniata aalajangiinera kukkusuusoq Isumaginninnermi Naammagit-  
taalliuuteqartarfik aalajangiigaluartoq Qaasuitsup Kommunianit imaluunniit  
Kommuni Qeqertalimmit kingusinnerusukkut akineqarsimannginnini A-p  
naammagittaalliuutigaa.

Sulisuma ilaata Kommuni Qeqertalik oqarasuaatikkut 15. januar 2019-imi  
attaveqarfigaa, suliarlu A-mut tunngasoq apeqqutigalugu. Kommunip ilaati-  
gut oqaatigaa Ombudsmandeqarfik suliaq pillugu paasissutissinniarlugu ki-  
ngusinnerusukkut attaveqarfigiumaarini.



Kommuni Qeqertalik 25. januar 2019-imi sianerpoq. Kommunip oqaloqati-giinnermi tassani oqaatigaa suliamik suliarinninneq kommunip ippassaam-mat aallartikkaa.

Kommuni Qeqertalik allakkatigut 30. januar 2019-imeersutigut qinnuigaara suliami allagaatit tamaasa oqaaseqaallu uannut nassiuteqqullugit.

Kommuni Qeqertallip A suliaq tassunga tunngasoq pillugu 14. februar 2019-imi ataatsimeeqatigaa. Tamanna Kommuni Qeqertallip allakkiaanit 25. fe-bruar 2019-imeersumit erserpoq.

Suliami aalajangiineq Kommuni Qeqertallip A-mut 22. februar 2019-imi nas-siuppaa. Aalajangiinnermit ilaatigut erserpoq "[...] suliaq 2016-imi inunnik i-sumaginnittoqarfimmit eqqunngitsumik ingerlanneqarsimammat". Aammattaaq erserpoq A-p 20.328 kr.-t siusinaartumik pensionisiatut 2016-imi tigu-simagai, naak 108.996 kr.-t pisassarisimagaluarlugit, taamaattumillu 88.668 kr.-t A-mut tunniunneqarniartut (tamani akileraarutit suli ilanngaati-ginagit). Kiisalu erserpoq aningaasat suli tunniunneqarsimanngitsut 28. fe-bruar 2019-imi A-mut nuunneqarniartut.

Suliami allagaatit amerlanerusut kiisalu oqaaseqaat 26. februar 2019-imi ul-lulernerqarsimasoq Kommuni Qeqertalimmit 4. marts 2019-imi tiguakka. O-qaaseqaammit ilaatigut makku erserput:

“Suliap aallarteqqinnerani A aggersarpara paasiniaaffigalugu.

2015-imi førtidspensionitaarpoq ukiunut marlunuungallartoq akuerineqarluni, pif-fimmi tassani ilinniarpoq [...] -tut kisiannili ilinniarnersiuteqarani, ullormut dagpe-nge-siaqaannarluni. Junimi akuerineqarami ukiup naanissaata tungaanut før-tidspension tigusartagai tamakkiisuusimapput.

2016 aallartimmat førtidspensionii appariangaatsiarput, taamanikkullu saniatigut allanik isertitaqanngilaq siusinaartumik soraarnerussutisiani kisiisa tigusartagara-lugit.

2016-imi oktoberimi [...] -tut ilinniarnini naammassingamiuk [...] -tut atorfinip-poq.

Ukioq 2016 naallugu isertitarisussaangaluarpai kr. 108.996,-, taakkunanngalu taamaallaat ukioq naallungu isertitarinikuusimavai katillugit kr. 20.328,-.

Tassalu sinneruttut isertitassaralui kr. 88.668,-[nik] naleqartut inuttaanut uterti-tassanngortut inunnik isumaginnittoqarfiup aaliangerpaa, taakkulu kr. 88.668,- skat peeriarlugu sinneruttut inuttaanut ikisassanngortinneqassallutik.”

E-mailikkut 19. marts 2019-imeersukkut Kommuni Qeqertalimmut malugeqqullugu oqaatigaara kommunip oqaaseqaataa suliap ingerlasimanager pil-lugu nassuiaammik sukumiisumik imaqanngitsoq suliamilu allagaatit nassi-unneqartut amigaateqartutut isikkoqartut. Kommuni tamanna tunngavigalugu qinnuigaara nutaamik oqaaseqaateqaqqullugu.

Oqaaseqaat nutaaq Kommuni Qeqertallip uannut e-mailikkut 3. april 2019-i-meersukkut nassiuppaa. Oqaaseqaammit ilaatigut makku erserput:

“Suliat A-mut tunngasup suliarineqarnerani arlalitsigut ajoraluartumik kukkussu-teqartoqarsimavoq.

A-p 1. juni 2015-imit atuutilersumik ukiuni marlunni siusinaartumik pensionisiam-garnissaa 10. september 2015-imi akuerineqarpoq, pensionisiasaalu naatsorsor-neqarlutik, tak. siusinaartumik pensionisiat pillugit Inatsisartut peqqussutaanni nr. 4-mi, 7. maj 2007-imeersumi § 11. Taamani Qaasuitsup Kommuni 2016-imi qaammammut tunniunneqartussat naatsorsorneqarnerat pillugu 17. november 2015-imi aalajangiisimavoq.

1. januar 2016-imit ukiumoortumik aqqiissuteqarnissamik aalajangiineq A-p 6. december 2017-imi Isumaginninnermi Naammagittaalliuuteqartarfimmut naammagittaalliuutigisimavaa.

A-p naammagittaalliuutaa Isumaginninnermi Naammagittaalliuuteqartarfiup 7. juni 2017-imi suliarisimavaa, aalajangiisimallunilu suliaq Qaasuitsup Kommuniata

suliereqqissagaa nutaamillu aalajangiilluni, tak. Inatsisartut peqqussutaanni nr. 4-mi, 7. maj 2007-imeersumi § 10.

A-p siusinaartumik pensionisiaanut aaqqiissutissat Qaasuitsup Kommuniata 2015-imit ukioq ataaseq siumut naatsorsornagit 2014-imit naatsorsorsimavai.

Tamatuma saniatigut Isumaginninnermi Naammagittaalliuuteqartarfiup aalajangiinera 7. juli 2017-imeersoq Qaasuitsup Kommuniata kiisalu Kommuni Qeqertallip suliarisimangilaat.

Taamaattumik A Inatsisartut Ombudsmandiannut 8. januar 2019-imi allappoq, Isumaginninnermi Naammagittaalliuuteqartarfiup suliamik suliereqqitassanngortitsilluni 7. juli 2017-imi aalajangiinerata kingornatigut aalajangiisoqarsimannginnera pissutigalugu.

INUIT [illoqarfimmi] [ateq] Inatsisartut Ombudsmandianni sulisumit 25. januar 2019-imi attaveqarfigineqarpoq, tassanilu Isumaginninnermi Naammagittaalliuuteqartarfiup suliamik suliereqqitassanngortitsinerata nutaamillu aalajangiiffigissanngortitsinerata suliarineqarnera aallartinneqarluni.

Isumaginninnermi Naammagittaalliuuteqartarfiup allagai Qaasuitsup Kommuniata 7. juli 2017-imi tigusimavai. Allakkalli suliarineqarsimanngillat, mappimilu suliap A-mut tunngasup inissisimaffianniinnatik.

Taamaattumik paasissutissat pisariaqartut tamaasa Kommuni Qeqertalimmi INUIT-ip A-p suleqatigalugu pissarsiariniarsimavai, A-llu siusinaartumik pensionisiaanik naatsorsuineq pillugu 22. februar 2019-imi aalajangiisimalluni, tak. Inatsisartut peqqussutaanni nr. 4-mi, 7. maj 2007-imeersumi § 10." (Ombudsmandeqarfimmi nutsigaavoq)

Suliaq pillugu apeqqutit arlallit Kommuni Qeqertalimmut allakkatigut 24. april 2019-imeersutigut nassiuppakka. Ilaatigut imatut allappunga:

**"Suliaq pillugu apeqqutikka**

Kommuni Qeqertallip oqaaseqaataa 3. april 2019-imeersoq tunngavigalugu uanga paasinninnera unaavoq suliap suliereqqitassanngortillugu 7. juli 2016-imi utertin-

neqarneranit kommunip 25. januar 2019-imi suliamik suliarinneqqinnermik aallar-titsinerata tungaanut kommuni suliamik suliarinnermi iliuuseqarsimangitsoq.

**1.** Kommuni Qeqertalik tamanna tungavigalugu qinnuigaara taanna eqqortumik paasinninnerunersoq uannut paasissutissiissutigeqqullugu.

**2.** Imatut paasivara piffissaq suliamik suliarinninnermut atorneqartoq sivisooq taanna kommunimi suliamik suliarinninnermi kukkunermik pissuteqartoq, matu-mani Isumaginninnermi Naammagittaalliuuteqartarfiup aalajangiinerata suliarine-qarsimanginnera nalunaarsorneqarsimanginneralu aamma A-p saaffiginnissu-taata allakkatut tiguneqartutut nalunaarsorneqarsimanginnera suliallu suliarine-qarsimanginnera pissutigalugit kukkuneq ilanngullugu eqqarsaatigalugu.

Kommuni Qeqertalik qinnuigaara tamanna eqqortumik paasinninnerunersoq uan-nut paasissutissiissutigeqqullugu.

**3.** Suliami A-mut tunngasumi 25. januar 2019 sioqqullugu suliamik suliarinninner-mi iliuuseqartoqarsimanginneranut pissutaasumik uanga paasinninnera kommu-nip isumaqatiginngippagu kommuni qinnuigaara iliuuseqarsimanginnermut suna pissutaasimanersoq uannut paasissutissiissutigeqqullugu.

**4.** A-p uannut naammagittaalliummini oqaatigaa kommuni allakkatigut marlo-riarluni-pingasoriarluni nukingisaartarsimagini. Suliami allagaatini Kommuni Qe-qertalimmit tigusanni ilaavoq A-p allakkatigut saaffiginnissutaa 20. september 2017-imeersoq. Tassannga ilaatigut erserpoq Isumaginninnermi Naammagittaal-liuuteqartarfiup aalajangiinerata assiliner A-p Qaasuitsup Kommuniata allaffeqar-fianut aamma [kommunip] [illoqarfimmi] allaffianut siusinnerusukkut nassiussi-magaa, suliamilu suli tusagaqanginnami saaffiginneqqissimasoq. Taamatuttaaq takuneqarsinnaavoq Isumaginninnermi Naammagittaalliuuteqartarfiup aalajangi-i-nerata assiliner A-p ilanngullugu nassiuteqqissimagaa, taamatuttaarlu saaffigin-nissutip taassuma assinga [illoqarfimmi] isumaginninnermik ingerlatsivimmu-ta matumunnga peqatigitillugu tunniussimagaa.

Kommunip uannut oqaaseqaammini 3. april 2019-imeersumi oqaatigaa A-p sulia-mi allagaatit tamaasa allakkat puussaannut ikillugit nammineq tunniussimagai. Kommuni tamatumunnga atatillugu qinnuigaara makku paasissutissiissutigeqqul-lugit:

- a. Suliami allagaatit taaneqartut A-p qanga tunniussimanerai.
- b. Kommuni tulleriinneri malillugit suliami allagaatit A-mit tiguneqarnerannut aamma A-p allakkatigut saaffiginnissutaata 20. september 2017-imeersup tiguneqarneranut atatillugu qanoq iliuuseqarsimansoq. (Qulaani oqaatigineqartutut uanga paasinninnera unaavoq kommuni 25. januar 2019 sioq-qullugu suliamik suliarinninnermi iliuuseqarsimangitsoq.)

**5.** Kommuni Qeqertalik qinnuigaara piffissap suliamik suliarinninnermut atorneqartup sivilissusia aamma kommunip nalunaarsuina kommunip paasinninnera malillugu naammaginnartuusimansut ingerlatsinermilu ileqqorissaarnermut naapertuuttuusimansut nassuiaqqullugu.

**6.** Suliami allagaatit tamaasa, ilaatigut Isumaginninnermi Naammagittaalliuuteqartarfiup aalajangiinera ilanngullugu eqqarsaatigalugu, A-p nammineq allakkat puussaannut ikillugit tunniussimagai Kommuni Qeqertallip oqaaseqaataanit 3. april 2019-imeersumit – qulaani taaneqartutut – erserpoq. Aalajangiineq taanna suliami allagaatini Kommuni Qeqertalimmit tigusanni ilaanngilaq. Taamaattumik kommuni qinnuigaara suliami allagaatit tamaasa ilumut tigusimamerikka paasisutissiissutigeqqullugu.”

Oqaaseqaat nutaaq Kommuni Qeqertallip Ombudsmandeqarfimmut allakkatigut 19. august 2019-imeersutigut nassiuppa. Taakkunanga ilaatigut makku erserput:

1. Taamanikkut Qaasuitsup Kommuniup, ullumikkut Avannaata Kommuniata, suliap Isumaginninnermi Naammagittaalliuuteqartarfimmit suliareqqitassanngorlugu utertinneqarnerata kingornatigut ajorluartumik aatsaat 25. januar 2019-imi suliarinneqqilerneru eqqortumik paasinninneruvoq.
2. Suliap suliarineqarsimanginnera kommunimi suliamik suliarinninnermi kukkurnermik pissuteqartoq, matumani Isumaginninnermi Naammagittaalliuuteqartarfiup suliap suliareqqitassanngorlugu utertinneqarnissaanik 7. juli 2016-imi aalajangiinerata suliarineqarsimanginnera nalunaarsorneqarsimanginneralu pissutigalugit kukkuneq ilanngullugu eqqarsaatigalugu, eqqortumik paasinninneruvoq.
3. Inatsisartut Ombudsmandiata paasinninnera Kommune Qeqertaliup isumaqatigaa.

4. a. Suliami allagaatit taaneqartut A-p 20. september 2017-imi ullulernerqarsimasut tunniuppai.
4. b. Suliami allagaatit taaneqartut A-p 20. september 2017-imi ullulernerqarsimasut allakkat puussaannut ikillugit tunniussimavai. Allakkat puusaat allakkatut isertutut nalunaarsorneqarani A pillugu suliami allagaatinut iliinnarneqarsimavoq.
5. Kommune Qeqertalik isumaqarpoq piffissap suliamik suliarinninnermut atornerqartup sivilissusia aamma kommunip nalunaarsuina naammaginartuusimanngitsoq ingerlatsinermilu ileqqorissaarnermut naapertuuttuusimanani.
6. Kommune Qeqertaliup matumuuna paasissutissiissutigaa suliami allagaatit tamarmik Inatsisartut Ombudsmandiannut tunniunneqarsimammata, Isumaginninnermi Naammagittaalliuuteqartarfiup aalajangiinera ilanngullugu." (Ombudsmandeqarfimmi nutsigaavoq)

Kommuni Qeqertallip oqaaseqaatai 26. februar 2019-imeersoq, 3. april 2019-imeersoq aamma 19. august 2019-imeersoq A-mut allakkatigut 1. oktober 2019-imeersutigut nassiuppakka. Taanna qinnuigaara oqaaseqaatissaqaruni oqaaseqaatini uannut nassiateqqullugit.

A-p oqaaseqataanik tigusaqanngilanga.

Isumaginninnermi Naammagittaalliuuteqartarfimmut e-mailikkut 7. januar 2020-meersukkut allappunga suliami allagaatit Kommuni Qeqertalimmit pissarsiarigikka, imatulli paasigiga suliami allagaatinik suliamut pingaaruteqartunik kommunimit tigusimanngisannik peqarsinnaasoq. Taamaattumik Naammagittaalliuuteqartarfik qinnuigaara Naammagittaalliuuteqartarfiup suliamik A-mut tunngasumik suliarinninnera allagaatit tamaasa uannut nassiateqqullugit.

Suliami allagaatit arlallit Isumaginninnermi Naammagittaalliuuteqartarfimmit 14. januar 2020-mi aamma 21. januar 2020-mi tiguakka. Suliami allagaatit taakku Kommuni Qeqertallip oqaaseqaataanik amerlanerusunik pissarsinarnissamut pissutissaqalersitsinngillat.